



JUDISIAL SISTEM MONITORING PROGRAMME

PROGRAMA DE MONITORIZASAUN DO SISTEMA JIDISIAL

Komunikadu Imprensa

Períodu : Setembru 2011
Edisaun : 09 Setembru 2011

Tribunál Distritál Suai halo primeíru interrogatóriu ba kazu sunu uma iha Galitas- Zumalai

Durante loron rua nia laran, hahu husi loron 05-06 Setembru 2011, Tribunál Distritál Suai halo primeíru interrogatóriu ba kazu konfliktu ne'ebé akontese iha Aldeia Galitas, Zumalai, Distritu Suai. Kazu ne'e rejistu ho número prosesu: 1353 /11/PDSUA¹. Audiénsia ba primeíru interrogatóriu ne'e prejide husi juizes kolektivu² ne'ebé kompostu husi Dr. José Maria de Araújo, nu'udar juiz prezidênte, ho Dra. Florençia Freitas nu'u;dar juiza adjuntu, no representa husi Ministériu Públiku Dr. Oscar Silva Tavares (Prokuradór Internasionál) no parte defeza husi Dr. Marçal Mascarenhas husi eskritóriu Defensoria Públiku.

Audiénsia primeíru interrogatóriu ne'e halo ba arguidu sira ho inisiál APL, CG, PPM, AJ, ADJ, MA, AdN, MP, CR, AKA, JL, DdN, LdM, CPB, MB CdCdJ, OM no JG ne'ebé diskonfia involve iha krime danu agaravadu no inséndiu ou sunu uma ne'ebé akontese iha loron 15 Agostu 2011, iha Aldeia Galitas, Sub-Distritu Zumalai. Entre arguidu hirak ne'e nain ida kaer kargu nu'udar Xefe Suco.

Direitór Ezekutivu JSMP, Luis de Oliveira Sampaio, haktuir katak *“krime ne'e nu'udar krime másivu no grave tanbá rezulta ema seluk lakon nia vida nomós comunidade barak mak lakon sira nia uma no sasan sira iha laran tanbá hetan sunu husi arguidu sira”*. Aleinde ne'e kazu ne'e mós hamosu situasaun la hakmatek iha povu nia leet, tanbá ne'e husu ba autóridade

¹ Número kazu refere sei uza nafatin número ne'ebé mak mai husi Ministériu Públiku ninian tanbá foin mak halo primeíru interrogatóriu ba kazu refere, nune' é número kazu husi Tribunál ninian seidauk uza.

² Mesmu tuir loloos kompozisaun painel tenke ho número minimu nain tolu, maibé tanbá juiz sei ida seluk la difikuldade atu tuir iha painel ne'e, tanba ne'e, painel ne'e hala'o ho juiz nain rua deit.

kompetente atu deskore tuir abut ka fukun husi akontesementu nune'e bele lori autór sira ne'ebé involve ka fo apoiu iha kazu atu ba hatan iha tribunál."

Tuir observeasaun JSMP nian iha sesaun primeíru integatoriu iha loron primeriu iha loron 05 fulan Setembru 2011, hahu oras tuku 11:30 dader to'o oras tuku 20:00 kalan. Depoisde sesaun ne'e tribunál suspende tiha prosesu no kontinua fali iha oras tuku 22:00 kalan hodi rona rezultadu ikus husi prosesu primeíru introgatoriu ne'e. Prosesu konklui ho pozisaun juiz nian hodi haruka arguidu nain 15 ba prizaun preventiva.

Tuir mai iha loron 06 fulan Setembru 2011 juizes kolektivu kontinua halo primeíru interogatóriu ba arguidu nain tolu seluk ho inisiál CDCDJ, OM no JG. Prosesu ne'e hahu iha tuku 15:00 lorokoraik too oras tuku 17:00. Depoisde sesaun ne'e, tribunál suspende prosesu oras ida ho balun, no hahu fali hodi lee konkluzau finál tribunál nian iha oras tuku 18:30. Rezultadu husi audiénsia ne'e mós ho rezultadu arguida nain tolu atu serve iha prizaun preventiva hodi hein prosesu tuir mai. Ho nune'e, total arguidu ne'ebé aplika prizaun preventiva hamutuk ema nain sanulu-resin ualu (18).

Krime ne'ebé arguidu sira komete ne'e artikuladu iha artigu 259 Kódigu Penál (KP) Timór Léste konabá "danu agravadu" nomós artigu 263. (1) KP Timór Léste konabá "insendiu". Krime hirak ne'e hotu ho moldura penál kada artigu mais ou menus tinan 2 – 8 iha prizaun.

Tuir JSMP nia observasaun, durante primeíru interogatóriu to'o iha desizaun finál, arguidu sira uza direítu nonook bázeia ba iha artigu 125 husi Kódigu Prosesu Penál Timór Léste ninian.

Atu hetan informasaun kle'an, favor kontaktu direitamente;

Luis de Oliveira Sampaio

Diretór Ezekutivu JSMP

Email; luis@jsmp.minihub.org

Telefone: 3323883/7295795